

НОРМУРОД НОРҚОБИЛОВ

ПАХМОҚ

(Кисса ва ҳикоялар)

ТОШКЕНТ «УҚИТУВЧИ» 1997

Езувчи Нормурод Норқобилов жониворлар ҳәтидан күплаб қисса ва ҳикоялар яратган. Унинг «Пахмоқ» номли мазкур түплами битта қисса ва бир нечта ҳикояни ўз ичига олган бўлиб, уларда инсоннинг жониворларга меҳрли бўлиши, уларни авайлаб-асраси зарурлигиғо яхши сурилади. Китобда муаллифнинг ҳайвонлар «тили» ва психологиясини яхши билиши яққол сезилиб туради.

Китобча ўрта ва катта ёшдаги мактаб ўқувчиларига, ота-она-ларга ва кенг китобхонлар оммасига мўлжалланган.

Н 79

Норқобилов Н.

Пахмоқ: (Қисса ва ҳикоялар).—Т.:
Ўқитувчи, 1997.—80 б.

Ўз 2

Н 4801000000-78
Н 353(04)-97 Ахб. хати—96

© «Ўқитувчи» нашриёти, 1997.

ISBN 5-645-03065-6

ПАХМОҚ

(Күсса)

Унинг ҳаётида беҳаловат кунлар бошланганди. Энди илгариgidек эмин-эркин юролмас, назарида ҳар бир харсанг, бута ёки арча ортидан ғаними пойлаб тургандек ўзини бежо ҳис этарди. Бундай пайтда кўзидан кўра кўпроқ димоғига ишонарди. Ўша даҳшатли ҳидни илғаши баробар бутун вужудида титроқ қўзғалиб, тезроқ қочмоқ пайида бўларди. Ўша даҳшатли ҳид — инсон ҳиди эди. Кўпинча бу ҳид милтиқ иси билан қоришиқ бўларди. Қоришиқ ҳид — ажал эди. Ажал ҳидини пайқаган кезлари қора, намчил тумшуғини юқорига кўтариб, барча айиқларга хос хиёл сусткаш хатти-ҳаракатлар ила ҳавони бот-бот искар, кейин эса лапанглаганча орқа-олдига қарамай қочиб қоларди. Орқа-олдига қарамай деганимиз сал ёлғон бўлар, нега деганда, Пахмоқ қочиб бораётуб, йўлда дуч келган нарса — харсанг, бута, арча, қисқаси, бекиниш мумкин бўлган нимаики учраса, бир зумга тўхтаб, ғаними томонга секингина мўралар ва шу созда уни бир неча бор кўришга муюссар бўлганди.

Эгридара ҳудудида ўзи ёлғиздек, ғаними ҳам ёлғиз эди. Тошлиқсойлик Панжи саёқ унинг изидан тушганди. Шу дамгача уларнинг бир-бирлари билан ишлари йўқ эди. Пахмоқ ўз ерида тинчгина умр гузаронлик қилганидек, Панжи саёқ ҳам тоғбегининг кўзини шамғалат қилиб, тулки ва парранда-ю даррандаларни отиш билан қаноатланиб юрарди. Айиқ овлаш етти ухлаб тушига кирмаганди. Умрида йирик йиртқичлардан—уч-тўрт бўринигина отишга муваффақ бўлган бу одамнинг феъли ёзда шаҳарлик меҳмонларнинг навбатдаги ташрифидан кейин айниди.

Кишлоқ пастидаги сой бўйида сўлим гўшалар ниҳоятда сероб эди. Айни саратонда бу ердан дам оловчиликарнинг кети узилмасди. Бундай пайтда Панжи саёқга ўхшаш такасалтангларнинг куни туғарди. Тимирскиланниб сой бўйига тушса бўлди, истаган давра уни ўзига қўшиб оларди. Панжи саёқ меҳнатга териси юпқа бўлгани билан улфатчиликни жуда қойиллатарди, хизмат-

дан сира қочмасди. Ўчоқ кавлаш дейсизми, тандир осиш дейсизми, юқоридан ўтин териб тушиш дейсизми, хуллас, бу хил юмушларни жуда кифтини келишириарди. Боз устига уста гурунгчи эди. Оғзига озгина «тегиши» билан ов ҳақида шундай бир гурунгларни бошларди, ўтирганларнинг оғзи ланг очилиб қоларди. Даврадагиларнинг кўз унгидан бу бирдан ўзгача тус оларди. Шунчаки бир фақир эмас, балки уста овчи, ҳар йили неча-нечача бўриларнинг шўрини қуритадиган моҳир мерган, неча-нечача кўчкилардан омон қолган омадли инсон сифатида таассурот уйғотарди. Барча овчилардек бирга ўнни қўшиб гапиргани сайнин туйқусдан шу қадар завқи тошиб кетардики, оқибатда гапирган гапига ўзи ҳам чиппачин ишониб қоларди. Дам олувчилар ҳам фавқулодда сахийлашиб, ундан ичкиликни аямас, кетишаётуб эса баъзилари манзилларини ҳам ташлаб кетишарди, боринг, бормасангиз хафа бўламиз, дейишарди.

Панжи саёқ уларникига бормаганидек, уйига ҳам таклиф этмасди. Қандай қилиб таклиф этсин. Пешонасига битгани уй бўлиб уй эмас, оғил бўлиб оғил — бир айвонли, етти боларли шунчаки бир кулба. Ёз бўйи ҳовлисини супурги ўт босиб ётади. Кузга томон супурги ўтларни ўриб, улардан супурги ясади. Ҳафсала қилса, бозорга чиқариб сотади, ийғасам, ҳовлининг бир четида қиши чириб адо бўлади. Рўзғор ишига камҳафсала ва овдан бери келмагани учун хотини ташлаб кетган. Сўқабошлика тамомила кўникан бўлса-да, гоҳо тўсатдан уйлангиси келиб қолади. Аммо бунинг учун аввало уйини тузатиб олиши лозим, иккинчидан, қуёш кўрмай мөгорлаб кетган кўрпа-тўшагини янгилаши керак. Учинчидан, хотин туширгандан кейин ис-пис чиқариш деган гаплар бор, бунинг ҳаммасига эса пул керак. Қиши чиши отган тулкилари терисига битта қисир сигир келмайди. Ака-укалари, одам бўлмайди бу, дея қўл силтаб қўйғанларига анча бўлган. Унинг эса одам бўлгиси келади-ю, лекин...

Панжи саёқ эркин яшашга ўрганган. Елкасида милитиқ, тоғма-тоғ изғишини хуш кўради. Унинг бу хил турмуш тарзини одамлар ҳазм қилолмагандек ўз навбатида, у ҳам одамларнинг яшаш русумини ҳеч танига сингдиролмайди, ўзича одамларни кўркаламушга қиёслайди: «Иш, рўзғор, хотин ва бола-чақа... туфи-ий, шуям тирикчилик бўлди-ю!» Қишин-ёзин устидан пахталиктушмайди. Негаки, кечалари дуч келган ерда ётиб қола-

веради-да. Дала-дашт, тоғу тош, ўнқир-чўнқир унинг учун ҳар қандай уйдан афзал. У, асосан, тулки овлашни яхши кўради, паррандаларни эса овқати учун отади. Ёздан бўлак пайт кулбасининг ёнидан ўтиб қолган одамнинг димоғини каклик шўрва ҳиди қитиқлади. Агар кўнглингиз каклик шўрва тусаса, марҳамат, яримта винони қўйинга тиқиб, эшик қоқиб бораверинг. Панжи саёқ сиздан овқатини аямайди.

Боя айтганимиздек, ёзда унинг куни сой бўйида ўтади. Дам олувчилар ўртасида ҳафталаб туриб кетувчилар бор. Панжи саёқ гурунги ва хизмати эвазига ҳафталаб маза қиласди. Бир сафар уни норғул-норғул эркаклардан ташкил топган давра аҳли ўзига тортиди. Даврабоши туман марказидаги аллақандай бир каттакон идоранинг бошлиғи экан. Гап орасида кимдир бу ҳақда қистириб ўтди. Аммо Панжи саёқ учун бу нарсанинг зифирча аҳамияти йўқ эмасми, бошлиқнинг виқорли чимирилиб ўтиришларига мутлақо аҳамият бермади. Одатдагидек, хизматини сидқидилдан адо этиб юраверди. Қўли ширинлигини билгани бошлиқ бора-бора уни ўзига яқин олди, ов ҳақидаги гурунгларини жон қулоғи билан тинглади. Тинглаб туриб, бир куни шундай деб қолди:

— Мулла Панжи, бу-у айигу қоплонларгаям тишлари ўтадими ё фақат бўрининг кетидан пойлайдиларми?

Панжи саёқ ҳузур қилиб суюк кемираётган эди, жавобга ошиқмади. Суюк кемира-кемира, аввалбошда бошлиқнинг семиз, оппоқ яланғоч сонларига, сўнг иштони үстига тўклиб турган йўғон қорнига назар солди, тоғ йўлига ўлақолса чидамаса керак бу, деб ўйлади негадир ўзининг чайирлигидан суюниб. Сўнгра унинг ўзига бир қадар ихлос билан тикилиб турганлигини кўриб, мой оқи бармоқларини ялай-ялай, ўта жиддий оҳанѓда гап ҳотди.

— Тишимиз ўтади, ака. Тоғда бизди тиш ўтмайдиган зарсанинг ўзи йўқ. Кўнгиллари нимани тусайди, айтарзерсинлар, отиб бераверамиз. Тоғбегини ўйламанг, бишмиям тутолмайди у.

Табиий, бошлиқ тоғбегини ўйламаган. Шундоқ қаршисида савлат тўкиб турган тоғу тошларнинг қўриқлашини унга бир қадар эриш туюлади. Мийигида илжайиб, кўшиб оқаётган сойга тикилади. Атрофнинг ниҳоятда ўзаллигини ўйлайди. Яна озгина «отиб», сувга тушишни аёл қиласди. Аммо қаршисидаги кимса жавоб кутиб

күзларини жүйк қилиб турибди. Шунда у яна мақсадға ўтади.

— Бизга битта қоплонми, айиқми отиб берсалар, — дейди. — Полга ташлаб қўйсак дегандим. Ҳов бирда бир оғайнимниги ўтгандим. Айиқ териси шундоққина дивани тагида ётибди. Айтишига қараганда, айиқ жуни товонни қитиқлаб, нервга ором бераркан.

— Қолпон деганимиз пишак¹дан каттароқ бир жони-ворда, — дейди Панжи саёқ сергўштроқ қовурғани қўлига олиб.—Пишакди акаси десаям бўлади уни. Сиз, яххиси, айувдан қоманг, ўзиям бир гектар ерни олади. Янгам билан устида ўйин тушсангиз ҳам бўлади.

Унинг гапи бошлиққа хуш ёқиб, улкан қорнини сил-китганча мириқиб кулади. Унга бошқалар қўшилади. Соӣ бўйи қаҳқаҳага тўлади.

— Оббо сизи-ий, — дейди бошлиқ мижжаларига қалқиган ёшни артиб. — Гапни зап оларкансиз-ку, а. Унда бизга битта айиқ отиб берасиз. Лекин ҳақиниям айиқдай қилиб тўлаймиз. Нима ишонмайсизми? — У ёнидаги йигитга им қоқади, йигит чодир яқинидаги машинадан семизгина ҳамён кўтариб келади. У ҳамённи қўлига олиб, ундан бир даста пул чиқаради-да, санамай унинг олдига ташлайди:—Бу аванс, — дейди сўнг.—Қолганини иш пишгач оласиз. Вақтини айтинг, шофёрим қеп обкетади.

Бир даста пулни кўрган Панжи . саёқнинг кўзлари чақнааб кетади. Хаёлининг бир четида ҳамиша яшаб келган ва гоҳо-гоҳо секин қўзғалиб қўядиган ожиз бир илинж илкис жонланниб, кўз ўнгидан кулбасининг таъмирдан кейинги ҳолати ўтади. Тасаввури янада рангланиб, кулбасида рўзғор иши билан куйманиб юрган бир аёлни кўради. Ана у эрининг музлаб қолган этигини ибо билан тортмоқда. Қани энди чоғи келса. Бунга сари Панжи саёқ ҳузур қиласи. Қабатида қўш-қўш каклик ва бошқа даррандалар. Милтиғи деворга суялган. Тўнғиб қолган сирти уйнинг ҳароратидан терчиган. Хотини этигини ечиб бўлиб, милтиққа қўл чўзади. Панжи саёқ норозиланиб бош чайқайди, яроққа тегма, хотин кишининг ишиямас бу, яххиси, мановулардан битта шўрво яса, дейди. Аёли итоаткорона бош иргиб, тагига янги қавилган кўрпача ташлайди. У оёкларини печкага тоблаб, ёнбошлайди. О-о, қандай маза!

¹ Пишак — мушук.

Үнин් ҳаёлга ботиб қолганини бошлиқ ўзича тушунди шекилли, жиёл ошиброқ изоҳ беради.

— Пулдан ғам өманг. Қанча десангиз тўлаймиз. Қачон юборай шофёrimни?

Панжи саёқнинг ҳаёли қочиб унга қарайди. Бунда пул кўп, деб ўйлади унинг қўлидаги ҳамёнга ҳарислик билан тикилиб, бунга пул писанд эмас, йўғасам, битта сассиқ айувга шунча пул тўйладими, лекин айув отиш ҳам осон иш эмас, қийин.

Бошлиқ сал жонсаракланиб, яна сўрайди.

— Қачон юборай одамимни?

— Кузда, — дейди Панжи саёқ.

Бошлиқ узоги билан «ҳафта-ўн кун» деган жавобни кутганди. Бу гапни эшитиб ҳафсаласи пир бўлади. Ўртадаги пулга ичи ачиб қарайди, мастилик курсин, дея ўзини янади. Аммо қайтиб олишга юзи чидамайди. Атрофдагилар нима дейди, деган андишага боради.

— Ҳозир отиб беролмайсизми? — дейди кейин. — Сизга чўт эмас-ку бу.

— Ҳозир туллаган пайти, — дейди Панжи саёқ олдидаги пулни баҳузур чўнтағига жойлаб. — Кузда жуни зўр бўлади. Лекин баҳтингиз бор экан. Эгридарада битта зўри бор. Жуни бир қарич. Пахмоқ деб от қўйганмиз. Шопирни кузди ўрталарида юбораверинг.

— Битта-яримтаси отиб қўймасмикан ишқилиб?

— Отмайди, — дейди Пажни саёқ ишонч билан. — Қўриқхонада отиш ман қилингган. Бизнинг йўриғимиз эса бўлак. Эгаси минг пойласин, ўғри бир дегандай... амаллаймиз-да энди, ака.

— Эркакча гап-а? — Бошлиқ унга қўлинни узатди.

— Худога шукур, эркак бўп туғилганмиз, — Панжи саёқ олдинга эгилиб, унинг хамирдай юмшоқ кафтини тутаркан, алоҳида таъкидлайди. — Сўз бердикми бажармиз. Бажармасак ўзимизни эркак санамаймиз биз!

Бу гап ёз чилласининг ўрталарида бўлиб ўтганди. Пахмок бу вақтда ёз неъматларидан тўла-тўкис баҳраманл бўлиб юрарди. Ора-сира сойга эниб балиқ овларди. Балиқ овлашнинг обдон ҳадисини олганди. Асосан бўримдаги қиёқзорда кўп ўралашарди. Қиёқзор сойдан айри тушган бўлиб, у ерга сув тошлар орасидан сизиб ўтари. Чиқиш жойи торгина ўзан эди. Пахмоқ овни худди ўша етдан бошларди. Аввал чўнқайиб ўтириб, илиқ сувла бемалол сизиб юрган балиқларга панжа утарди. Турган гап, балиқлар патир-путир қочмоққа

